




# BOLETÍN RSU ABRIL 2020

## UNIVERSIDADE DE VIGO.

UNIDADE DE ANÁLISIS E PROGRAMAS



As aulas virtuais en directo superaron en catro días as 15.500 conexións

## A TELEDOCENCIA NA UVIGO BATE RÉCORDS NAS PRIMEIRAS SEMANAS TRAS A SUSPENSIÓN DAS CLASES PRESENCIAIS

Ma DEL CAMEN ECHEVARRÍA DUVI 01/04/2020

O que ata hai unhas semanas era un recurso ocasional e opcional para moitas e moitos docentes e estudantes da Universidade de Vigo, está, nas últimas semanas do mes de marzo, a bater récords. A suspensión da actividade docente presencial o 13 marzo e a posterior declaración do estado de alarma, coa conseguinte obriga de confinamento da poboación, por mor do coronavirus, traducíuse nun exponencial incremento do uso das ferramentas habilitadas pola Universidade de Vigo para impartir docencia virtual. [+info.](#)



## ARRANCAN OS CURSOS EN LIÑA DE IGUALDADE CON PRETO DE 1300 PERSOAS MATRICULADAS

D. BESADÍO DUVI 01/04/2020


1276 persoas da comunidade universitaria participan desde esta semana nos diferentes cursos do [itinerario formativo virtual en xénero](#), sendo a formación xeral de introdución á perspectiva de xénero e a de educación afectivo-sexual as máis demandadas, con 352 e 236 persoas inscritas en cada unha deles. “A formación foi moi ben acollida”, explica a directora da Unidade de Igualdade, Águeda Gómez. [+info.](#)



## A UNIVERSIDADE ESTABLECE MEDIDAS EXTRAORDINARIAS PARA FACILITAR AS PRÁCTICAS

D. BESADÍO DUVI 02/04/2020

A situación de crise sanitaria ocasionada pola COVID-19 obrigou o pasado 13 de marzo a suspender temporalmente todas as actividades académicas presenciais na Universidade de Vigo, incluídas as prácticas académicas externas, nas que nese momento había matriculados máis de 2600 estudantes de grao e 1000 de mestrado. Ante esta situación a Universidade acaba de publicar unha resolución reitoral na que se establecen toda unha serie de medidas extraordinarias coas que facilitar, na medida do posible, a realización destas prácticas e, con elas, a presentación tamén dos Traballos Fin de Grao e Traballos Fin de Mestrado, “garantindo así que quen tivese previsto finalizar os seus estudos este ano o poida facer”, explica a vicerreitora de Estudantes, Natalia Caparrini. [+info.](#)



Imaxe dunha das pantallas entregadas.

## 2000 PANTALLAS PROTECTORAS PARA O COMPLEXO HOSPITALARIO UNIVERSITARIO DE OURENSE

DUVI OURENSE 02/04/2020

A Plataforma Galicia-Escudocovid19.org, coordinada pola Universidade de Vigo e Asime e que conta coa participación de arredor de 15 empresas galegas, continúa coa fabricación e distribución de pantallas protectoras para loitar contra a COVID-19. Así, este mércores pola tarde entregaron 2000 destas pantallas protectoras ao Complexo Hospitalario Universitario de Ourense (CHUO). [+info](#).



Alumnado do mestrado durante a docencia virtual estas semanas

## O MÁSTER UNIVERSITARIO EN XESTIÓN EMPRESARIAL DO DEPORTE OFRECE EN ABERTO Á CIDADANÍA UNHA DAS SÚAS SESIÓNS

DUVI OURENSE 02/04/2020

Este venres, ás 16.00 h, o Máster Universitario en Xestión Empresarial do Deporte da Universidade de Vigo abrirá unha das súas sesións a todas as persoas interesadas en asistir a ela de xeito virtual. “Trátase dunha xornada de portas abertas que queremos que sirva para evadirmos un chisco do momento actual e, ao mesmo tempo, coñecer tendencias de máxima actualidade no eido do deporte”, explican os responsables do mestrado. [+info](#).



Nunha carta ao PDI, Reigosa avoga por prepararse para completar as clases de forma virtual

## O REITOR AVANZA DIFERENTES MEDIDAS ANTE A POSIBILIDADE DE QUE O CURSO SE COMPLETE DE XEITO NON PRESENCIAL

DUVI 04/04/2020

“Precisamos dun esforzo combinado para poder rematar con éxito este curso”, salienta o reitor da Universidade de Vigo, Manuel Reigosa, [nunha carta ao persoal docente e investigador](#) feita pública este sábado, na que avanza unha serie de medidas que a institución académica deberá acometer nas próximas semanas ante a posibilidade de que, por mor da situación xerada pola expansión da COVID-19, non poida retomarse a docencia presencial no que resta de curso. [+info](#).



## O REITOR REAFÍRMALLE AO ALUMNADO A INTENCIÓN DE SACAR ADIANTE O CURSO “CON ÉXITO” NAS DATAS MARCADAS

DUVI 05/04/2020

Se este sábado o reitor se dirixía ao persoal docente e investigador para explicarlles as diferentes medidas que a institución deberá acometer nas próximas semanas ante a posibilidade de que se prorrogue o estado de alarma e non poida retomarse a docencia presencial no que resta de curso, este domingo fixo o propio co alumnado. Manuel Reigosa envioulles unha [misiva](#) na que lles reafirma a todas as alumnas e alumnos da Universidade de Vigo que a intención é sacar adiante o curso “con éxito” nas datas marcadas. [+info.](#)

3



Tamén se poden converter en equipos de protección individual para persoal sanitario

## LUPEON DESENVOLVE BIFURCADORES E TRIFURCADORES PARA CONVERTER MÁSCARAS DE MERGULLO EN DISPOSITIVOS DE RESPIRACIÓN

DUVI 06/04/2020

Lupeon, empresa especializada en enxeñaría e fabricación aditiva, en colaboración con enxeñeiros do ámbito industrial do centro de investigación Cintecx- UVigo e Asime, súmase á loita contra a COVID-19 co desenvolvemento de adaptadores con impresión 3D para converter, máscaras de mergullo en dispositivos de respiración para pacientes con coronavirus, e, en equipos de protección individual para persoal sanitario e asistencial a anciáns e persoas dependentes. [+info.](#)



O proxecto 'Canto paxariño' difunde información sobre as especies máis comúns

## O GREEN CAMPUS CONVIDA A AVISTAR PAXAROS A TRAVÉS DAS VENTÁS

DUVI PONTEVEDRA 13/04/2020

“Darlle cor e canto a estes días de confinamento”. Este é o propósito de *Canto paxariño*, unha iniciativa impulsada polo programa Green Campus da Vicerreitoría, xunto coa Oficina de Medio Ambiente da Universidade (OMA), a través das redes sociais, ás que van incorporando imaxes e información dalgunhas das especies de aves máis comúns, co obxectivo tanto de animar á cidadanía a tratar de avistalas a través das ventás como de concienciar da importancia de preservar a biodiversidade. [+info.](#)





Hoxe fixo público un manual de urxencia para docencia e avaliación durante a COVID-19

## O EQUIPO DE GOBERNO AVOGA POLA AVALIACIÓN CONTINUA DAS MATERIAS, EVITANDO, SEMPRE QUE SEXA POSIBLE, OS EXAMES FINAIS

M<sup>a</sup> DEL CAMEN ECHEVARRÍA DUVI 13/04/2020

Aínda que serán os centros os que en último termo decidirán, nos casos que as haxa, as alternativas que mellor se adaptan as súas particulares circunstancias, o equipo de goberno da Universidade de Vigo fixo público hoxe o *Manual de urxencia para a docencia e a avaliación durante a COVID-19*. O documento ten o obxectivo principal de “dar pautas e orientación sobre as posibilidades de que dispón o profesorado para avaliar ao alumnado a distancia, ao tempo que tamén se recolle un resumo das diferentes resolucións e instrucións ditadas ata o momento para que dispoñan de toda a información nun único documento”. [+info](#)



Agardan máis de 10.000 entregas solidarias deste dispositivos en toda España

## UVIGO, ASIME E EMPRESAS GALEGAS CREAN LU\_TOUCH, UN DISPOSITIVO PARA ABRIR PORTAS E PULSAR BOTÓNS EVITANDO O CONTACTO

DUVI 13/04/2020

Tras o éxito da iniciativa Escudocovid-19 para deseñar e fabricar pantallas protectoras, a Universidade de Vigo, Asime e as empresas da contorna volven poñer en marcha unha iniciativa solidaria para loitar contra a COVID19. Desta volta, ambas institucións da man das empresas Lupeon, Dativic, Roviño5 e Akwel Automotive presentaron este luns LU\_Touch, un dispositivo para abrir portas sen contacto directo. O obxectivo é producir 3000 pezas diarias a través dun proceso de modelado e inxección en plástico. [+info](#).



A UVigo envía routers con wifi para que o estudantado poida seguir a súa formación

## MÁIS DE 200 DISPOSITIVOS ENTREGADOS PARA MELLORAR A CONECTIVIDADE DO ALUMNADO DURANTE A PANDEMIA

M<sup>a</sup> DEL CARMEN ECHEVARRÍA DUVI 15/04/2020

Máis de 200 estudantes da Universidade de Vigo xa recibiron os dispositivos Mifi, pequenos routers con wifi, enviados pola institución académica viguesa e que lles permitirán arranxar os problemas de conectividade que sofren nas súas vivendas familiares ou lugares onde están a pasar o confinamento por mor da COVID-19. A recepción dos dispositivos 4G de Orange, con 100 xigas mensuais e cun período de uso de catro meses, prorrogables outros dous. [+info](#).




Imaxe das caixas coas pantallas entregadas.

## A PLATAFORMA GALICIA-ESCUDOCVID19 ENTREGA 2000 PANTALLAS PROTECTORAS A COREN

DUVI OURENSE 15/04/2020

A [Plataforma Galicia-Escudocovid19.org](https://PlataformaGalicia-Escudocovid19.org), coordinada pola Universidade de Vigo e Asime e que conta coa participación de arredor de 15 empresas galegas, continúa coa fabricación e distribución de pantallas protectoras para loitar contra a COVID-19, entregando este mércores pola tarde 2000 pantallas protectoras ao Grupo Coren en Ourense, para a súa distribución entre a industria agroalimentaria. EscudoCovid19 é unha iniciativa popular que une provedores de materia prima e ferramentas, centros de produción e medios loxísticos de toda España para producir pantallas protectoras fronte ao coronavirus. [+info.](#)



## AS CLASES A DISTANCIA DISPARAN AS CONEXIÓNS DIARIAS AO CAMPUS REMOTO E FAITIC

D. BESADÍO DUVI 16/04/2020

O pasado 13 de marzo a crise sanitaria provocada pola expansión da COVID-19 provocou que a Universidade de Vigo puxese sobre a mesa todos os recursos dispoñibles para facilitar a continuación do curso a través da teledocencia. Nun tempo récord fortalecéronse todas as ferramentas da súa plataforma FaiTIC e lanzouse o Campus Remoto, o que supuxo crear un xemelgo dixital da propia institución. [+info.](#)



Un intre da confección das batas en Ana Muñiz

## A COLABORACIÓN ENTRE UNIVERSIDADE E EMPRESA PROPICIA A PRODUCCIÓN DUN MILLAR DE BATAS PARA PERSOAL SANITARIO E ASISTENCIAL

DUVI 16/04/2020

Baixo a coordinación da Universidade de Vigo e Asime, as empresas Coasa de Ourense, Ana Muñiz de Dodro, Transportes Dalot de Mos e Academia Pin Factory de Vigo, reorganizaron a súa produción para elaborar e distribuír de xeito solidario 1000 batas para o persoal sanitario e asistencial. Desde o grupo Encomat da Universidade de Vigo, no que participan docentes das áreas de Ciencia de Materiais, Enxeñaría Metalúrxica e Enxeñaría Química, a investigadora e vicerreitora de Transferencia, María Consuelo Pérez. [+info.](#)



Un intre do acto de inauguración deste curso do Programa de Maiores

## O ALUMNADO DO PROGRAMA DE MAIORES, ENTRE A ADAPTACIÓN ÁS NOVAS TECNOLOXÍAS E O CONFINAMENTO

DUVI 17/04/2020

O estudiantado sénior da Universidade de Vigo, o que forma parte do Programa para Maiores, enfróntase a esta pandemia global cunha perspectiva substancialmente diferente á do resto do alumnado. E é que boa parte deste alumnado forma parte grupo de risco ante a COVID-19 pola súa idade, polo que as súas preocupacións pivotan entre a súa saúde e a dos seus, a organización para facer fronte ao confinamento e tamén, por suposto, a posibilidade de seguir a súa formación académica. [+info](#).



Participantes na entrega realiza esta mañá na Delegación da Xunta en Vigo

## UNIVERSIDADE E ASIME REALIZAN A PRIMEIRA ENTREGA DE BATAS SANITARIAS E DISPOSITIVOS LU-TOUCH PARA A LOITA CONTRA A COVID-19

DUVI 17/04/2020

No marco da alianza forxada entre a Universidade de Vigo e Asime desde o inicio da crise da COVID-19 insírense diversos proxectos solidarios levados a cabo coa implicación de diferentes empresas galegas, como a [produción de dispositivos Lu-Touch](#), para abrir portas e ventás e pulsar botóns sen contacto directo, ou a [fabricación de batas para o persoal sanitario e asistencial](#). A primeira entrega de materiais xurdidos destes proxectos solidarios, polos que se doarán 10.000 destes dispositivos e 1000 batas, foi realizada este venres na Delegación Territorial da Xunta de Galicia en Vigo. [+info](#).



O primeiro obxectivo estará centrado en ámbitos relacionados directamente coa COVID-19

## A CRISE DA COVID-19 IMPULSA A CREACIÓN DO ESCAPARATE VIRTUAL DE TRANSFERENCIA DA UNIVERSIDADE

DUVI 20/04/2020

A Universidade de Vigo pon en marcha a creación dun Escaparate Virtual de Transferencia para visibilizar os resultados e as capacidades dos diferentes grupos de investigación da institución académica que teñan unha aplicabilidade e transferencia directa ás empresas e aos diferentes organismos da administración pública. A iniciativa arranca tendo en conta as dificultades económicas derivadas da pandemia da COVID-19 e “as funcións e obrigas que como universidade temos coa nosa sociedade”, tal e como destaca María Consuelo Pérez, vicerreitora de Transferencia. [+info](#).



Representantes das diferentes institucións que participaron neste reparto

## A PLATAFORMA GALICIA-ESCUDOCOVID2019 ENTREGA EN PONTEVEDRA 4000 PANTALLAS PROTECTORAS A DIFERENTES INSTITUCIÓN

DUVI PONTEVEDRA 21/04/2020

Coordinada pola Universidade de Vigo e Asime e coa participación de máis de 20 empresas galegas, a Plataforma Galicia-EscudoCovid2019 busca contribuír á loita contra a COVID-19 a través da fabricación e distribución de pantallas de protección facial para centros sanitarios, corpos e forzas de seguridade e demais actores implicados na loita contra a pandemia. [+info.](#)



Captura da web de Campus Dual

## A UNIVERSIDADE ALÍASE CO CLÚSTER TIC E ABANCA PARA LANZAR CURSOS DE FORMACIÓN 100% GRATUITOS

DUVI 21/04/2020

A alianza estratéxica entre a Universidade de Vigo, Cluster TIC Galicia e Abanca, xunto coa colaboración das empresas Imatia Innovation e Bysidecar, acaba de permitir o lanzamento de [Campus Dual](#), unha iniciativa pioneira e innovadora dirixida a dotar á comunidade autónoma galega dunha canteira de talento laboral no ámbito das Tecnoloxías da Información e a Comunicación, converténdose así nunha nova fonte de desenvolvemento social. [+info.](#)



Plácido Álvarez, Ramón Alonso e Enrique Mallón na entrega do material

## 3000 PANTALLAS PROTECTORAS PARA QUE A DEPUTACIÓN DE OURENSE DISTRIBÚA ENTRE ENTIDADES DA PROVINCIA

DUVI OURENSE 24/04/2020

3000 pantallas protectoras para que a Deputación de Ourense distribúa entre entidades da provincia na loita contra a COVID-19. Esta foi a entrega que este venres fixo no Pazo Provincial a Plataforma Galicia-Escudocovid19.org, coordinada pola Universidade de Vigo e Asime e que conta coa participación de arredor dunha vintena empresas galegas. Tamén esta semana e no marco da mesma iniciativa doáronse 100 dispositivo LU\_Touch á residencia de Cabeza de Vaca. [+info.](#)





*Estas especies exóticas alteran de forma severa as interaccións bióticas e os ecosistemas*

## UNHA TESE DEMOSTRA QUE AS ACACIAS INVASORAS REDUCEN A ABUNDANCIA E A RIQUEZA DE ESPECIES DE INVERTEBRADOS

DUVI 27/04/2020

O impacto que as plantas invasoras teñen sobre as especies autóctonas é eido de estudo que nos últimos foi cobrando moito protagonismo entre a comunidade científica. Pero a capacidade de expansión destas plantas ten consecuencias máis aló das interaccións planta/planta e planta/herbívoro, xa que poden provocar alteracións tamén nas comunidades de invertebrados. [+info.](#)



*Daniel Couto no seu domicilio*

## O CONSELLO DE ESTUDANTES DEMANDA GARANTÍAS DE QUE A AVALIACIÓN SE VAI ADAPTAR Á EXCEPCIONALIDADE ACTUAL

D. BESADÍO DUVI 28/04/2020

Tras varias reunións co equipo reitoral o Consello de Estudantes da Universidade de Vigo, Ceuvi, presentará no Consello de Goberno de mañá mércores a súa propia proposta de cualificación excepcional do estudantado da UVigo para este curso, un documento no que esixen garantías de que a avaliación se vai adaptar á situación excepcional que se está a vivir por mor da crise sanitaria provocada pola COVID-19. [+info.](#)



*Estableceranse quendas dun máximo de catro horas cunha soa persoa por dependencia*

## A UNIVERSIDADE ESTABLECE UN PROTOCOLO DE ACCESO A LABORATORIOS PARA GARANTIR A CONTINUIDADE DA INVESTIGACIÓN

DUVI 28/04/2020

Garantir que poidan seguir desenvolvéndose aqueles proxectos de investigación ou transferencia que non poden ser adiados e requiren de traballo nos laboratorios é o obxectivo do [protocolo de acceso](#) a estas instalacións establecido pola Universidade. A medida fixa que o acceso deberá realizarse por quendas, cunha única persoa en cada dependencia e ten como obxectivo evitar “unha parada total na investigación”, como salienta a vicerreitora Belén Rubio. [+info.](#)



*O proxecto Hygia fixo un seguimento de 19.000 pacientes durante máis de seis anos*

## RECOÑECEN O PROXECTO HYGIA COMO UNHA DAS SETE PUBLICACIÓNS CON MAIOR IMPACTO MUNDIAL

D. BESADÍO DUVI 30/04/2020

O proxecto Hygia, traballo realizado de forma coordinada entre a Universidade de Vigo e o Sergas e cuxos resultados confirmaron de xeito contundente que as persoas hipertensas deben tomar a medicación antes de deitarse, acaba de ser recoñecido como unha das sete publicacións que acadaron un maior impacto a nivel internacional no ano 2019. [+info](#).

---

## UNIVERSIDADE DE VIGO

### **Unidade de Análisis e Programas.**

Edificio Filomena Dato.

Planta Baixa.

36310 Vigo (Pontevedra)

986.818.689 986.818.640